



Cov Lus Kheev Neeg rau kws qhia ntawv thiab tus neeg ua hauj lwm FAQs

(Hloov kho dua tshiab 1/28/2021)

Nqe Lus Nug 1. Leej twg tau muaj nyob hauv pab pawg “qhia ntawv” rau cov hom phiajntawm qhov tshuaj tiv thaiv Tus Kab Mob Khaus Viv-19 (COVID-19)?

Nqe Lus Teb 1. Txij li Lub Ib Hlis Ntuj 25, 2021, cov kws qhia ntawv rau tsev kawm ntawv ntawm tsoom fww thiab ntawm ntiag tug qib K-12 thiaj cov neeg ua hauj lwm, cov kws qhia ntawv rau qib kawm lub caij thaum tseem yog me nyuam yaus nram ntxov, cov chaw zov me nyuam yaus thiab cov neeg ua hauj lwm tam sim no muaj cai tau txais tus tshuaj txhaj tiv thaiv Tus Kab Mob Khaus Viv-19 (COVID-19) lawm. Thov mus saib rau ntawm daim ntawv teev npe [uas meej ntxaws](#).

Nqe Lus Nug 2. Cov kws qhia ntawv rau tsev kawm ntawv ntawm tsoom fww thiab ntawm ntiag tug qib K-12 thiaj cov neeg ua hauj lwm muaj peev xwm mus txhaj tshuaj tau nyob rau qhov twg?

Nqe Lus Teb 2. Koj yuav tau txais cov lus qhia paub nod los ntawm koj li tsoom fww tus neeg ua hauj lwm hauv tsev kawm ntawv los sis tus tswv num hais txog ntawm cov cib fim kev txhaj tshuaj tiv thaiv kab mob. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tab tom ua hauj lwm yam txav ze nrog Xeev Oregon Lub Thawj Fab Saib Xyuas Hauj Lwm txog Kev Kawm Ntawv (Oregon Department of Education) thiab tsoom fww cov neeg ua hauj lwm saib xyuas kev kawm ntawv/tsev kawm ntawv thiab cov khub koom lag luam txhawm rau xyuas kom paub tseeb hais tias tsoom fww cov neeg ua hauj lwm saib xyuas kev kawm ntawv qib K-12, cov thawj coj, cov kws qhia ntawv thiab cov neeg ua hauj lwm tau txais cov lus qhia paub kom raws sij hawm thiab tshiab.

Mus saib tau rau ntawm covidvaccine.oregon.gov los sis tiv tauj rau 211 los ntawm kev sau email, kev xa lus sau los sis hauv xov tooj txog rau cov lus qhia paub tshiab tshaj plaws.

Nqe Lus Nug 3. Cov kws qhia ntawv rau qib kawm lub caij thaum tseem yog me nyuam yaus nram ntxov/cov neeg ua hauj lwm thiab cov chaw zov me nyuam yaus/cov neeg ua hauj lwm muaj peev xwm mus txhaj tshuaj tiv thaiv kab mob tau nyob rau qhov twg?

A3. Koj yuav tau txais cov lus qhia paub nod los ntawm koj tus neeg ua hauj lwm hauv tsev kawm ntawv los sis tus tswv num hais txog ntawm cov cib fim kev txhaj tshuaj tiv thaiv kab mob. Cov chaw zov me nyuam yaus hauv tsev thiab lwm cov kws muab kev saib xyuas kho mob uas muaj cai tsim nyog tau txais kev pab cuam yuav tau txais kev sib txuas lus ncaj nraim los ntawm lub xeev thiab tsoom fww cov neeg ua hauj lwm saib xyuas lub zej zos. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tab tom ua hauj lwm yam txav ze nrog Xeev Oregon Feem Saib Xyuas Hauj Lwm Kev Kawm Ntawv Thaum Ntxov (Oregon Early Learning Division) thiab lwm feem saib xyuas kev kawm ntawv rau qib kawm lub caij thaum tseem yog me nyuam yaus nram ntxov thiab cov tswv num ntawm lub chaw (tsev) zov me nyuam yaus, tsoom fww cov neeg ua hauj lwm thiab lwm cov khub koom lag luam hauv lub zej zos txhawm rau xyuas kom paub tseeb hais tias cov chaw zov me nyuam yaus thiab cov kws qhia ntawv rau qib kawm lub caij thaum tseem yog me nyuam yaus nram ntxov tau txais cov lus qhia paub kom raws sij hawm thiab tshiab.

Mus saib tau rau ntawm covidvaccine.oregon.gov los sis tiv tauj rau 211 los ntawm kev sau email, kev xa lus sau los sis hauv xov tooj txog rau cov lus qhia paub tshiab tshaj plaws.

Nqe Lus Nug 4. Cov chaw zov me nyuam yaus/cov kws qhia ntawv rau qib kawm lub caij thaum tseem yog me nyuam yaus nram ntxov thiab cov neeg ua hauj lwm puas muaj peev xwm tau txais kev txhaj tshuaj tiv thaiv kab mob kiag tam sim ntawd?

Nqe Lus Teb 4. Cov kws qhia ntawv rau qib kawm lub caij thaum tseem yog me nyuam yaus nram ntxov thiab cov chaw zov me nyuam yaus tam sim no muaj cai tsim nyog tau txais kev txhaj tshuaj lawm, tab sis yuav tau tos kom txog ntau rau thaum tsoom fww muaj cov tshuaj txhaj tiv thaiv kab mob ntau ntxiv tso, vim tseem muaj cov tshuaj txhaj tiv thaiv kab mob tsis tau txaus los mus txhaj rau txhua tus neeg kiag tam sim nod. Koj yuav tau txais lus qhia los ntawm tsoom fww cov neeg ua hauj lwm hauv tsev kawm ntawv los sis cov tswv num, tab sis tej zaum nws kuj yuav siv sij hawm ntau lim piam. Nws yog ib qho nyuaj uas yuav tos taus tab sis peb thov nej ua lub siab ntev tos. Muaj qee cov zos yuav tsum tau ua kom tiav kev txhaj tshuaj tiv thaiv kab mob rau cov pej xeev neeg pawg 1A ua ntej yuav pib muab kev txhaj tshuaj tiv thaiv kab mob rau lawv rau feem saib xyuas kev kawm ntawv.

Nqe Lus Nug 5. Leej twg yog tus muaj lub luag hauj lwm los tsim tsa kev txhaj tshuaj rau cov kws qhia?

Nqe Lus Teb 5. Cov saib xyuas kev noj qab haus huv hauv zej zog ua hauj lwm ze nrog cov tsev kho mob, cov chaw saib xyuas kev noj qab haus huv thiab cov neeg ua hauj lwm txog kev kawm los muab txoj hauv kev txhaj tshuaj rau cov kws qhia ntawv thiab cov neeg zov me nyuam. Ntau lub nroog twb npaj rau lawv lawm, hos lwm qhov tseem tab tom txhaj tshuaj rau cov pej xeev 1A. Peb thov kom koj ua siab ntev, tos kom txog koj thib, thiab nrhiav txog cov kev sib txuas lus los ntawm tsev kawm, kev kawm, thiab xeev thiab ntawm cov neeg ua hauj lwm hauv xeev thiab cheeb tsam.

Nqe Lus Nug 6. Yog tias kuv muaj cov lus nug txog kuv txoj kev tsim nyog, kuv yuav tuaj yeem hu mus rau leej twg/mus rau qhov twg?

Nqe Lus Teb 6. Rau kev paub ntau ntawv, mus saib rau ntawm qhov chaw muag thiab yuav khoom hauv oos lais (chatbot) ntawm covidvaccine.oregon.gov (lub pob nias ntawm qhov chaw muag thiab yuav khoom hauv oos lais (chatbot) yog “Let’s get started” los sis muaj ib lub cim (icon) nyob rau ces kaum sab xis hauv qab), ntaus los lus tias ORCOVID xa mus rau 898211 txhawm rau thiaj li tau txais cov kev hloov pauv tshiab uas xa ua lus sau/SMS (Lus Xab Pees Niv nkaus xwb) los sis sau email mus rau ORCOVID@211info.org. Yog hais tias koj tsis muaj peev xwm teb tau koj nqe lus nug txog tus tshuaj txhaj tiv thaiv Tus Kab Mob Khaus Viv-19 (COVID-19) nyob rau saum lub vas sab (website), los ntawm kev xa ua lus sau, los sis los ntawm kev sau email, hu rau lub chaw hu xov toj thov kev pab (call center) ntawm 211 los sis 1-866-698-6155, uas yog qhib thaum sij hawm 6 teev sawv ntxov txog 7 teev tsaus ntuj txhua hnuv, muaj xam nrog rau cov hnuv so tib si. Tej zaum lub sij hawm tos yuav ntev me ntsis vim hais tias muaj neeg hu tuaj coob heev li. Muaj ib txoj kev xaiv rau koj kom tau txais kev hu rov qab uas yuav zoo dua qhov koj tos es tsis khwb xov toj (ua Lus Xab Pees Niv). Muaj kev txhais lus pub dawb rau txhua lwm yam lus. TTY: Ntaus 711 los sis hu rau 1-866-698-6155.

Nqe Lus Nug 7. Cov neeg qhia ntawv hauv tsev thiab cov neeg ua hauj lwm hauv tsev qhia ntawv puas tuaj yeem tau txhaj tshuaj tiv thaiv?

Nqe Lus Teb 7. Tsis yog tam sim no. Mus saib rau ntawm daim ntawv teev npe [uas meej ntxaws](#) txog cov kws qhia ntawv.

Nqe Lus Nug 8. Cov neeg ua hauj lwm tom qab kawm ntawv tas puas tuaj yeem tau txais tshuaj tiv thaiv?

Nqe Lus Teb 8. Mus saib rau ntawm daim ntawv teev npe [uas meej ntxaws](#) txog cov kws qhia ntawv.

Nqe Lus Nug 9. Cov kws qhia ntawv hauv tsev kawm ntawv ntiag tug thiab ntawm tsoom fwv puas yuav tau txais kev saib xyuas sib txawv?

Nqe Lus Teb 9. Tsis tau. Tam sim no cov kws qhia ntawv hauv tsev kawm ntawv ntiag tug thiab ntawm tsoom fwv yeej puav leej muaj peev xwm tau txais kev txhaj tshuaj tiv thaiv kab mob tib si lawm.

Nqe Lus Nug 10. Yuav ceeb toom rau cov chaw zov me nyuam yaus paub tau li cas thaum muaj tus tshuaj txhaj tiv thaiv kab mob lawm?

Nqe Lus Teb 10. Yog hais tias koj yog ib tus neeg ua hauj lwm rau ntawm lub chaw (tsev) zov me nyuam yaus, koj tus tswv num yuav txuas koj nrog rau cov lus qhia paub txog kev teem sij rau kev txhaj tus tshuaj txhaj tiv thaiv kab mob. Yog hais tias koj yog ib tus tswv num ntawm cov neeg ua hauj lwm rau ntawm lub chaw (tsev) zov me nyuam yaus, los sis ib tus kws muab kev saib xyuas zov me nyuam yaus nyob rau hauv tsev, koj lub zej zos los sis lwm tus khub koom lag luam uas nyob rau cheeb tsam nroog uas nyob ze rau ntawm koj yuav tiv tauj rau koj txhawm rau muab cov lus qhia paub rau koj los mus teem sij hawm rau qhov kev txhaj tus tshuaj txhaj tiv thaiv kab mob rau koj tus kheej thiab koj cov neeg ua hauj

lwm. Tsis tas li ntawd Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) kuj tseem yuav muab cov kev hloov pauv tshiab tas li qhia rau sawv daws tau paub nyob rau ntawm lub vas sab (website) hais txog tshuaj txhaj tiv thaiv [Tus Kab Mob Khaus Viv-19 \(COVID-19\) tib si](#), los ntawm koom haum tshaj xov xwm rau sim neej thiab koom haum tshaj xov xwm, thiab txhawm rau txhaj tshuaj tiv thaiv kab mob rau cov kws muab kev pab cuam kho mob uas muab tshuaj tiv thaiv kab mob mus raws lub sij hawm ntawm cov zeeg sij hawm uas yuav los txog tom ntej nod.

Nqe Lus Nug 11. Kuv yuav nrhiav tau li cas thiaj li tau txhaj tshuaj nyob hauv kuv lub nroog?

Nqe Lus Teb 11. Cov tub ceev xwm saib xyuas kev noj qab haus huv hauv zej zog ua hauj lwm ze rau cov neeg ua hauj lwm rau kev kawm, tsev kho mob, kab ke kev noj qab haus huv, chaw saib xyuas me nyuam yaus thiab cov chaw ntsig txog, thiab cov neeg ua hauj lwm phab kev kawm pab muab lub sij hawm kev txhaj tshuaj tiv thaiv no rau cov kws qhia ntawv thiab cov neeg zov me nyuam. Ntau lub nroog tau npaj ua tiav lawm, thaum lwm qhov tseem tab tom txhaj tshuaj rau pej xeem 1A. Peb thov kom koj ua siab ntev tos kom txog koj thib, thiab saib kev sib txuas lus los ntawm cov neeg ua hauj lwm hauv tsev kawm thiab kev kawm.

Nqe Lus Nug 12. Kuv yuav tau nqa tus lej qhia txog kuv tus kheej twg nrog kuv los ua pov thawj tias kuv ua hauj lwm rau cov neeg muab kev pab cuam zov me nyuam, chaw rau kev kawm me nyuam yaus los sis tsev kawm K-12?

Nqe Lus Teb 12. Koj tsis tas yuav tsum muaj ntawv pov thawj tias koj yog ib tus kws qhia los sis cov chaw muab kev pab cov neeg muab kev pab txog Tshuaj Tiv Thaiv tuaj yeem thov koj kom tshaj tawm tias koj yog tus kws qhia los sis tus neeg zov me nyuam.

Nqe Lus Nug 13. Kuv puas yuav tsum muaj kev tuav pov hwm thiaj li tau txais tshuaj tiv thaiv?

Nqe Lus Teb 13. Tam sim no, cov tshuaj tiv thaiv yuav muab rau txhua tus neeg yam tsis tau them nqi thiab koj tsis tas yuav muab ntawv pov thawj txog kev tuav pov hwm kev noj qab haus huv. Cov chaw pab cuam muab tshuaj txhaj tiv thaiv tsis tuaj yeem tsub nqi rau tib neeg twg rau kev txhaj tshuaj tiv thaiv. Yog tias koj muaj kev tuav pov hwm kev noj qab haus huv, thov nqa koj daim npav kev tuav pov hwm kev noj qab haus huv. Tus kws kho mob yuav tsub tus nqi txog kev tswj hwm kev txhaj tshuaj rau koj qhov kev pov hwm. Cov kws muab tshuaj tiv thaiv tuaj yeem hais kom tus neeg mob ntawd lub tuam txhab tuav pov hwm ntawm tsoom fww los sis ntawm ntiag tug them qho nqi no rov qab rau lawv, los sis rau cov neeg mob uas tsis muaj kev tuav pov hwm, los ntawm Cov Chaw Muab Kev Pab Cuam Txog Fab Kev Noj Qab Haus Huv thiab Feem Tswj Xyuaj Hauj Lwm Txog Cov Kev Pab Cuam (Health Resources and Services Administration) Qhov Nyiaj Pab Uas Siv Rau Kev Pab Cuam Ntawm Tus Kws Muab Kev Saib Xyuas Kho Mob (Provider Relief Fund).

Nqe Lus Nug 14. Kev txhaj tshuaj tiv thaiv muaj tus nqi npaum li cas?

Nqe Lus Teb 14. Rau tam sim no, tseem tsis tau muab cov tshuaj txhaj tiv thaiv kab mob txhaj rau txhua tus neeg yam tsis xam nqi dab tsi. Tej zaum cov kws muab kev pab cuam kho mob uas muab kev txhaj tshuaj tiv thaiv kab mob yuav xam tus nqi rau koj lub is saws las tuav pov hwm them rau ib qho kev mus ntsib kws kho mob tab sis tsis muaj peev xwm xam tus nqi kom cov tib neeg them nqi rau ib qhov kev txhaj tshuaj txhaj tiv thaiv kab mob. Cov kws muab kev pab cuam kho mob uas muab tshuaj tiv thaiv kab mob muaj peev xwm hais kom tus neeg mob ntawd lub tuam txhab is saws laws tuav pov hwm ntawm tsoom fwv, los sis ntawm ntiag tug them qho nqi no rov qab rau lawv los sis, rau cov neeg mob uas tsis muaj is saws tuav pov hwm, los ntawm Cov Chaw Muab Kev Pab Cuam Txog Fab Kev Noj Qab Haus Huv thiab Feem Tswj Xyuaj Hauj Lwm Txog Cov Kev Pab Cuam (Health Resources and Services Administration) Qhov Nyiaj Pab Uas Siv Rau Kev Pab Cuam Ntawm Tus Kws Muab Kev Saib Xyuas Kho Mob (Provider Relief Fund).

Nqe Lus Nug 15. Puas muaj ib pab pawg twg yuav tau txhaj tshuaj ua ntej (piv txwv, K-12 cov kws qhia ntawv ua ntej cov neeg tsav tsheb npav)?

Nqe Lus Teb 15. Cov pab pawg neeg tswj xyuas tsev kawm ntawv txum nyob rau ib cheeb tsam, cov lab npauv saib xyuas kev noj qab haus huv thiab cov oos kas saib xyuas kev noj qab haus huv rau pej xeem hauv lub zej zos (local public health authorities) tseem tab tom ua hauj lwm ua ke txhawm rau tsim sau cov tes hauj lwm uas yuav tsum tau xub ua rau qhov kev txhaj tshuaj tiv thaiv kab mob rau lawv rau feem saib xyuas kev kawm ntawv los mus pab txhawb nqa kev rov qab qhib tsev kawm ntawv. Qhov ncuaj sij hawm ua ntu zus yog ib qho kev txiav txim los ntawm lub zej zos. Nws yuav siv sij hawm thiaj li ma txhaj tshuaj tiv thaiv kab mob rau tag nrho txhua cov kws qhia ntawv vim hais tias tsoom fwv tseem muaj cov tshuaj txhaj tiv thaiv kab mob tsis tau txaus siv. Nws yog ib qho nyuaj uas yuav tos taus tab sis thov nej ua lub siab ntev tos kom txog koj lub sij hawm txhaj tshuaj. Muaj qee cov zos kuj tseem tab tom txhaj tshuaj tiv thaiv kab mob rau cov pej xeem neeg pawg 1A.

Nqe Lus Nug 16. Thaum twg thiaj yuav muaj cov tshuaj tiv thaiv rau cov kws zov me nyuam?

Nqe Lus Teb 16. Cov chaw zov me nyuam yaus thiab cov kws qhia ntawv rau qib kev kawm paub uas ntej yuav txog hnuv nyoog kawm ntawv muaj peev xwm tau txais tus tshuaj txhaj tiv thaiv kab mob uas yog pib txij li Lub Ib Hlis Ntuj 25, 2021. Vim hais tias tseem muaj tus tshuaj txhaj tiv thaiv kab mob tsis tau txaus txhaj kiaq tam sim ntawd rau tag nrho txhua cov kws qhia ntawv, peb thov koj ua lub siab ntev tos. Thov tsis txhob hu mus nug koj tus kws kho mob lub chaw ua hauj lwm los sis tus kws muab kev saib xyuas kho mob rau fab kev noj qab haus huv hais tias thaum twg koj mam li tau txais kev txhaj tshuaj tiv thaiv kab mob.

Nqe Lus Nug 17. Kuv puas tuaj yeem xav kom kuv cov neeg ua hauj lwm tau txhaj tshuaj tiv thaiv kab mob?

Nqe Lus Teb 17. Lub sij hawm no, Oregon Lub Chaw Hauj Lwm Saib Xyuas Kev Noj Qab Haus Huv tsis xav txhaj tshuaj tiv thaiv Tus Kab Mob Khaus Viv-19 (COVID-19) rau ib pab pawg neeg los sis ib qhov chaw ua hauj lwm twg. Cov cai kev ntiav hauj lwm xav nyob rau hauv kev saib xyuas ntawm Lub Chaw Hauj Lwm

Saib Xyuas Kev Ua Hauj Lwm thiab Kev Lag Luam (BOLI). Rau cov lus nug muaj feem cuam tshuam txog Tus Kab Mob Khaus Viv-19 (COVID-19) Mus saib tau rau ntawm Lub Chaw Ua Hauj Lwm saib xyuas Cov Neeg Ua Hauj Lwm thiab Cov Tsev Tsim Ua Khoom Lag Luam (Bureau of Labor and Industries, BOLI) [lub vas sab \(website\)](#).

Cov Lus Nug Txog Kev Tswj Hwm Saib Xyuas Tshuaj Tiv Thaiiv Kab Mob

Nqe Lus Nug 18: Yuav muaj dab tsi tshwm sim tom qab kuv tau txais tshuaj tiv thaiiv?

Nqe Lus Teb 18: Koj tseem yuav tau siv daim ntaub npog qhov ncauj qhov ntswg thiab nyob sib nrug ntawm lub cev txawm tias tom qab koj tau txhaj tshuaj tag, yam tsawg yog sim no. Cov tshuaj tiv thaiiv tam sim no yuav tsum muaj ob koob. Koj yuav tsum nrog koj tus kws kho mob tham seb koj yuav tau txais ntawv ceeb toom li cas thaum koj tsim nyog tau txais qhov tshuaj koob thib ob. Mus rub [lub ev \(aap\) V-safe tawm los](#), uas yog lub yuav qhia cov sij hawm nkag mus ua kev tshuaj xyuas txog kev noj qab haus huv tom qab koj tau txais kev txhaj tshuaj lawm. V-yas tseem tuaj yeem hais qhia koj kom mus txhaj koob thib ob. Peb txhawb siab rau koj mus saib txuas ntxiv mus nyob rau ntawm [Lub Chaw Ua Hauj Lwm Txog Kev Tswj Hwm thiab Kev Tiv Thaiiv Kab Mob \(Centers for Disease Control and Prevention, CDC\) lub vas sab \(website\)](#) txog rau cov lus qhia uas hloov kho dua tshiab.

Nqe Lus Nug 19: Yuav ua li cas yog tias kuv kis tau Tus Kab Mob Khaus Viv-19 (COVID-19) tom qab kuv txhaj thawj koob tshuaj?

Nqe Lus Teb 19: Cov tib neeg yuav tsum ua raws li cov kev qhia txog kev kaw tus kheej thiab cais tus kheej txawm hais tias tom qab cov neeg tau txais thawj koob tshuaj txhaj tiv thaiiv kab mob. Oregon Lub Chaw Hauj Lwm Saib Xyuas Kev Noj Qab Haus Huv, Oregon Lub Tsev Hauj Lwm Saib Xyuas Kev Kawm (ODE) thiab Oregon Kev Kawm Thaum Ntxov (ELD) tab tom hloov kho cov lus qhia txog kev yuav qhia txog kev kis tau Tus Kab Mob Khaus Viv (COVID) thaum cov tib neeg tau txais kev txhaj tshuaj tiv thaiiv tag lawm. Koj yuav tau txais kev hloov tshiab ntawm ODE thiab ELD.

Nqe Lus Nug 20: Yuav ntev npaum li cas kuv thiaj li raug kuaj xyuas tom qab kuv tau txais kev txhaj tshuaj tiv thaiiv kab mob?

Nqe Lus Teb 20: Koj yuav tau saib mus li 15-30 feeb.

Nqe Lus Nug 21: Cov tshwm sim uas nquag tshwm sim/tam sim no yog dab tsi?

Nqe Lus Teb 21. Raws li Lub Chaw Ua Hauj Lwm Tswj Xyuas Khoom Noj thiab Tshuaj (Food and Drug Administration), cov tsos mob tshwm sim uas keev pom tshaj plaws hauv cov kev sim tshuaj txhaj tiv thaiiv Tus Kab Mob Khaus Viv-19 (COVID-19) muaj xam nrog rau kev mob, kev liab los sis kev mob o rau ntawm qhov chaw nkaug tshuaj, sab nkees, mob taub hau, ua daus no, mob cov leeg nqaij thiab mob pob qij txha.

Nqe Lus Nug 22. Kuv yuav hu leej twg yog tias kuv muaj kev phiv - qhov chaw txhaj tshuaj los sis kuv tus kws kho mob?

Nqe Lus Teb 22: Cov kev mob tshwm sim yeej ib txwm muaj tom qab txhaj tshuaj tiv thaiiv Tus Kab Mob Khaus Viv (COVID). Yog tias koj muaj kev txhawj xeeb txog kev mob tshwm sim tom qab koj tawm ntawm qhov chaw txhaj tshuaj, koj yuav

tsum hu rau koj tus thawj kws kho mob los sis mus rau lub tsev kho mob maj nrawm lossis chaw kho mob maj nrawm. Peb txhawb siab rau koj mus saib txuas ntxiv mus nyob rau ntawm [Lub Chaw Ua Hauj Lwm Txog Kev Tswj Hwm thiab Kev Tiv Thaiv Kab Mob \(Centers for Disease Control and Prevention, CDC\) lub vas sab \(website\)](#) txog rau cov lus qhia uas hloov kho dua tshiab hais txog yam uas yuav tsum tau ua tom qab kev txhaj tshuaj tiv thaiv kab mob tag lawm.

Nqe Lus Nug 23: Kuv puas yuav tsum tau siv daim ntaub npog qhov ncauj qhov ntswg thiab nyob sib deb ntawm lub cev?

Nqe Lus Teb 23: Yog lawm. Koj tseem yuav tsum txuas ntxiv siv daim ntaub npog qhov ncauj qhov ntswg, ntxuav koj txhais tes tsis tu ncau thiab nyob sib nrug deb ntawm lwm tus neeg txawm tias tam si no koj twb txhaj tshuaj tiv thaiv lawm, yam tsawg rau tam sim no. Txhua yam tsis tuaj yeem rov qab mus zoo li qub kom txog thaum cov neeg tau txais kev txhaj tshuaj txaus lawm. Yog tias peb txhua tus ua hauj lwm ua ke, peb yuav mus txog qhov ntawd nrawm dua thiab cawm lub neej txoj hauv kev. Peb txhawb siab rau koj mus saib txuas ntxiv mus nyob rau ntawm [Lub Chaw Ua Hauj Lwm Txog Kev Tswj Hwm thiab Kev Tiv Thaiv Kab Mob \(Centers for Disease Control and Prevention, CDC\) lub vas sab \(website\)](#) txog rau cov lus qhia uas hloov kho dua tshiab.

Nqe Lus Nug 24: Kuv tau sim kom mus txais tshuaj tiv thaiv thiab tsis quav ntsej/tau hais kom rov qab tuaj lwm hnuv. Vim li cas qhov no thiaj yuav tshwm sim?

Nqe Lus Teb 24. Cov neeg ua hauj lwm hauv tsev kawm, chaw ua hauj lwm, los sis xeev los sis hauv nroog yuav tuaj cuag koj qhia txog kev txhaj tshuaj rau cov kws qhia thiab cov neeg zov me nyuam. Tam sim no tsis muaj tshuaj tiv thaiv txaus los txhaj tshuaj tiv thaiv rau txhua tus kws qhia ntawv ib zaug. Qee lub nroog tseem tab tom txhaj tshuaj 1A rau pej xeev. Peb thov kom koj thov tsis txhob mus cuag rau cov tsev kho mob thiab cov chaw saib xyuas kev noj qab haus huv. Koj yuav tsum tau mus koom cov xwm txheej los sis mus rau qhov chaw txhaj tshuaj tiv thaiv uas tau teeb tsa qhia meej rau cov kws qhia ntawv. Nws yog ib qho nyuaj rau kev tos tab sis peb thov kom koj tos kom txog koj thib.

Yog muaj lus nug ntxiv txog tshuaj tiv thaiv Tus Kab Mob Khaus Viv-19 (COVID-19), [nias rau ntawm no](#).

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus Askiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tuaj yeem muab tau cov lus qhia paub sau ua lwm hom ntaub ntawv xws li kev txhais lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Lub Chaw Ua Hauj Lwm Saib Xyuas Cov Lus Qhia Paub Txog Fab Kev Noj Qab Haus Huv (Health Information Center) ntawm tus xov tooj 1-971-673-2411, 711 TTY los sis COVID19.LanguageAccess@dhsosha.state.or.us.